



## Aningaasanut Nunanullu Allanut Naalakkersuisoq

### Aningaasaqarnermut Ataatsimiititaliap suliaq nr. 01.31.06/06-00191 pillugu sisamanngornermi ulloq 19. september 2006-imi aalajangiinera pillugu Naalakkersuisunut ilisimatitsineq.

(Naalakkersuisut ulloq 8. september 2006-imi aalajangiinerat)

### **2007-imi kontomi pingaarnermi 84.40.10-mi Kommunini atuarfinnut tunngasumi, Kullorsuarmi atuarfiup A-overslagiliorneqarnerata kingunerisaanik nuussineq.**

#### Naalakkersuisut **inassutigaat,**

Kontomi pingaarnermi 84.40.10-mi, Kommunini atuarfinnut tunngasumi, 2007-imi nuussisoqassasoq, taamaalilluni suliassamut nr. 167.50.082-imut, Kullorsuarmi atuarfimmut tunngasumi, aningaasaliissutit 9.700.000 kr.-inik amerlineqassasut aamma suliassamut nr. 996.50.080-imut, Atuarfinni assigiinngitsuni nutaamik sanaartornermut iluarsaanermullu tunngasumut, aningaasaliissutit 9.700.000 kr.-inik ikilineqassasut.

#### Aningaasaqarnermut Ataatsimiititaliap oqaaseqaatai

Suliaq matumani pineqartoq ulloq 14. september 2006-imi ataatsimiinnermi nr. 46-mi Aningaasaqarnermut Ataatsimiititaliamit siullermik suliarineqarpoq.

Taamani aalajangiinermini ataatsimiititaliaq ilaatigut ima allappoq:

*(Issuaaneq aallartippoq)*

*Kullorsuarmi atuarfissap nutaap nutaamik suliariumannittussarsiuqqarneqarnera tunngavigalugu atuarfinnik sanaartornissamut aningaasaliussat suliassamut aalajangersimasumut pituttugaanngitsut ilaasa atugassiissutigineqarnissaat Naalakkersuisunit qinnuteqaatigineqarpoq. Kullorsuarmi atuarfimmik sanaartornissamik suliassamut aningaasaliissutit 9,7 mio. kr.-inik amerlineqarnissaat qinnutigineqarpoq.*

*Taama qaffaanissaq maanna iluserisamisut iluseqartilluni suliassat arlallit meeqqat atuarfiannik sanaartornermut pilersaarummi kontomi pingaarnermi 84.40.10-mi, kommunini atuarfinnut tunngasumi, ilanngunneqarsimasut ukiumik ataatsimik kinguarnerannik kinguneqassaaq, tak. ataani skema:*

Nr.	Ateq	AIS-2007 naam-massinnissamut pilersaarut	Naammassin-ninnissamut pilersaarut iluarsisaq	Siuartinneqarpoq(+) Kinguartinneqarpoq(-) (ukioq)
020	Qaqortoq	2010	2011	-1
050	Paamiut	2012	2013	-1
163	Aappilattoq	2006	2007	-1
153	Ikerasak	2007	2008	-1
165	Tasiusaq	2007	2008	-1
152	Qaarsut	2008	2009	-1
071	Atammik	2008	2009	-1
161	Upernavik Kujalleq	2008	2009	-1

095	<i>Iginniarfik</i>	2008	2009	-1
065	<i>Kapisillit</i>	2013	2014	-1
014	<i>Tasiusaq</i>	2013	2014	-1
018	<i>Alluitsup Paa</i>	2013	2014	-1
021	<i>Saarloq</i>	2013	2014	-1
061	<i>Qeqertarsuatsiaat</i>	2013	2014	-1
171	<i>Savissivik</i>	2013	2014	-1

*NB: Skemap uuma Aningaasaqarnermut Ataatsimiititaliamut nassiuuneqarnerata kingorna Kapisilinni atuarfik pilersaarummit peerneqarpoq.*

*Kullorsuarmi atuarfimmik sanaartornissap 2007-imi aallartinneqarnissaa siunnersuutigineqarpoq.” (Issuaaneq naavoq)*

Ilaatigut tamanna pissutigalugu Naalackersuisunillu paasissutissanik annertunerusunik pissarsinissaq siunertaralugu aalajangiinissani ataatsimiititaliap ataatsimiinnermi 46-mi kinguartippaa. Ataatsimiititaliap apeqqtai Naalackersuisunit allakkakut 12. oktober 2006-imeersutigut akineqarput (Inatsisartut Allattoqarfiannit ulloq 16. oktober 2006-imi tiguneqartut).

Atuarfinnik iluarsaassinerit skemami siulianiittumi taaneqartut kinguartinneqarnissaat ataatsimiititaliamit akuersaarneqarsinnaanngimmat Kullorsuarmi atuarfiliornissamut aningaasalersuutissatut siunnersuutinik allanik Naalackersuisut saqqummiusseqqullugit aalajangiinnermi siuliani issuaavigineqartumi Aningaasaqarnermut Ataatsimiititaliamit qinnuigineqarput. Tassunga ilanngullugu Illorput 2000-it imminnut ataqatigiissillugit sananerisigut atuarfiliornissap aaqqiivigineqarsinnaanera isumaliutigeqqullugu Naalackersuisut ataatsimiititaliamit qinnuigineqarput. Kiisalu Upernaviup pigisaani ukiuni aggersuni atuartuutigineqartussatut naatsorsuutigineqartut pillugit paasissutissanik pissarsisinneqarnissani ataatsimiititaliap issaatigaa.

Illorput atorlugit aaqqiineq atussallugu naapertuutinnitsoq Naalackersuisut paasissutissiissutigaa, tamannami sanaartugassatut siunnersuutigineqartutut akisutigissamat. Tamanna Aningaasaqarnermut Ataatsimiititaliamit tusaatissatut tiguneqarpoq.

Tamatuma saniatigut aningaasalersuutissatut periarfissamik allamik Naalackersuisut siunnersuuteqarsinnaasimannngillat, tamatumanimi aningaasalersuutissat immikkoortunit allanit, soorlu pilersuinerimut ineqarnermulluunniit tunngasunit tiguneqartariaqassammata. Tamatuma isumaliutiginnissaa Naalackersuisunit kissaatigineqarsimannngilaq. Ataatsimiititaliarli isumaqarpoq Naalackersuisut suliami matumani annertunerujussuarmik ilungersuuteqarsimasariaqaraluartut. Inerniliinerup taama naatsigisup angunissaanut qaammammik ataatsimik Naalackersuisut atuisimanerat pakatsissutigigamiuk ataatsimiititaliap oqaatigissavaa.

Upernaviup pigisaani atuortoqaqqortussuseq pillugu paasissutissat kissaatigineqartut ilaminiinnanngui Naalackersuisut saqqummiuppaat. Ukiuni atuarfiussani kingullerni marlunni Upernaviup pigisaani atuartut Upernaviup illoqarfianut atuariartortinneqartarnissaannik aalajangiinnerminik Upernaviup kommuniata aalajangiuisimanninnera paasissutissanit toqqaannanngikkaluamik takuneqarsinnaavoq. Tamanna pillugu ataatsimiititaliap 14. september 2006-imi apeqqtanaanut Naalackersuisut akissuteqarsimannngikkaluartut Kullorsuarmi atuarfimmum atillugu pisariaqartitsinermik naliliinnermini Naalackersuisut tamatuminna mianerinnissimassatut ataatsimiititaliamit naatsorsuutigineqartariaqarpoq. Paatsoortoqaqqunagu ataatsimiititaliap naatsorsuutiginninnera eqqortuunersoq uppernarsaqqullugu Naalackersuisut qinnuigineqarput.

Tamatuma saniatigut neqeroorummut tiguneqartumut aalajangiusimanninnissamik piffissarititaasoq ulloq 20. oktober 2006-imi qaangiutissasoq Aningaasaqarnermut Ataatsimiititaliamit paasineqarpoq. Tamanna tunngavigalugu ataatsimiititaliap 14. september 2006-imi apeqqutaanut akissuteqaatik Naalakkersuisut sukkanerujussuarmik nassiussimasariaqaraluaat ataatsimiititaliaq isumaqarpoq. Pisumi matumani Aningaasaqarnermut Ataatsimiititaliap sulineranut Naalakkersuisut pissusissaatut ataqqinnissimangitsut ataatsimiititaliamit oqaatigineqassaaq. Tamanna ataatsimiititaliamit *isornartoqartinneqarpoq.*

Kullorsuarmi sanaartorneq m<sup>2</sup>-mut 26.000<sup>1</sup> kr.-it sinnilaarlugit akeqassasoq ataatsimiititaliap paasivaa. Aki taanna naammaginartutut oqaatigineqarsinnaasumit annertunerujussuurtut ataatsimiititaliamit isumaqarfigineqarpoq, tamatumalu saniatigut atortussat immaqa 1,5 mio. kr. taakku qaavisigut atorneqartariaqassapput. Akiusulli appartinneqarnissaanut periarfissaqarsorinangimmat aammalu Kullorsuarmi maanna atuarfiusup iluarsanneqarnissaata allilernerneqarnissaatalu suliariumannittussarsiusseqqinnissamut utaqqinneqarsinnaangitsutut ataatsimiititaliamit nalilernerqarmat Naalakkersuisut qinnuteqaataat ataatsimiititaliamit allatut ajornartumik akuerineqartariaqartutut isigineqarpoq.

Atuarfinnilli iluarsaassinerit skemami siulianiittumi taaneqartut kinguartinneqarnissaat ataatsimiititaliamit akuersarneqarsinnaangitsoq Aningaasaqarnermut Ataatsimiititaliamit oqaatigineqassaaq. Taamaattumik meeqqat atuarfiannut immikkoortumut pilersaarummi sanaartorerup sukkausissaatut pilersaarutaaqqaartoq aalajangiusimaneqarsinnaaqqullugu kontomut pingaarnermut 84.40.10-mut, Kommunini atuarfinnut tunngasumut, amerlanerusunik aningaasaliinermik kinguneqartussamik Naalakkersuisut 2007-imi aningaasanut inatsisissatut siunnersuummut allannguutissatut siunnersuummik saqqummiusseqqullugit Aningaasaqarnermut Ataatsimiititaliamit isumaqatigiittumik kaammattorneqassapput. 2007-imi aningaasanut inatsisissatut siunnersuummi ilinniartitaanermut siunertanut immikkut aningaasaliussat ilaat atorneqarsinnaanersut pillugit Naalakkersuisut naliliissasut ataatsimiititaliamit maannangaaq siunnersuutigineqassaaq. Aningaasatigulli sinaakkusiussat ataatsimoortut annertusitinneqarnissaat ataatsimiititaliamit nangaanartoqangitsumik akuersarneqarsinnaavoq, tassa periuseq taanna Naalakkersuisunit atussallugu naleqqunnerusorineqarpat. Naalakkersuisut allannguutissatut siunnersuummik saqqummiussissanngippata allannguutissatut siunnersuummik ataatsimiititaliaq nammineq saqqummiussilersarmat Aningaasaqarnermut Ataatsimiititaliamit isumaqatigiittumit oqaatigineqassaaq.

### **Aningaasaqarnermut Ataatsimiititaliap aalajangiinera**

Naalakkersuisut inassuteqaataat Aningaasaqarnermut Ataatsimiititaliamit akuersissutigineqarput. Tamatuma saniatigut Naalakkersuisut kontomut pingaarnermut 84.40.10-mut, Kommunini atuarfinnut tunngasumut, allannguutissatut siunnersuummik 2007-imi aningaasanut inatsisissatut siunnersuutip aappassaaneerneqarnissaanut pingajussaaneerneqarnissaanulluunniit saqqummiussinissamik Aningaasaqarnermut Ataatsimiititaliamit kaammattorneqarput, tak. ataatsimiititaliap siuliani oqaaseqaatai.

Inussiarnersumik inuullu

Jens Lars Fleischer

Aningaasaqarnermut Ataatsimiititaliami siulittaasuugallartoq

---

<sup>1</sup> Illutaa siunertanut assigiinngitsunut atorneqartussaaq ilanngullugu 1440 kvadratmeter aallaavigalugu missingersuut A naapertorlugu 37.456.205,27 kr.-inut naatsorsorneqarpoq. Illutaa siunertanut assigiinngitsunut atorneqartussaaq ilanngunnagu 1170 kvadratmeteriuvoq.